

清詞珍本叢刊

張宏生 編

②

鳳凰出版傳媒集團
鳳凰出版社

清詞珍本叢刊

吾丘詩餘
月湄詞
南溪詞
百末詞
溪南詞
直木齋詩餘

②

鳳凰出版傳媒集團 鳳凰出版社



吾丘詩餘

東海徐 籀亦史 著

同邑張 澤草臣

茗水韓曾駒人穀點輯

小令

鵲練子

單調

上巳

蜂作伴燕成雙竹下花頭着甚忙春到清明強

過半柳垂新帶又拖黃。

訪隱

西爽好儘支頤。一杖青藤白接離。流上胡麻山
內出。怕人鷄犬出墻啼。

憶江南

一名謝秋娘

春悶

煙雨暮遮。莫爲予愁。青掩汀蘆。鳬雁夢紫拋簷
蒂。網蛛收春光將盡頭。

又

花事好還又怯春寒。飛杏嫩分眉黛色。青片尖。
整碧于簪。應教誰共看。

又

緣底事牽惹十年心。最是落花三月暮。小牕細。
雨五更聲。誰將霜鬢侵。

又

新月上照破世間愁。易爲創深疑似努。魚曾驚。

餌怯爲鈎。生人愁不愁。

又

杯內酒也解。一時愁。但得中山千日釀。十年三
度漫歸休。霜絲誰上頭。

又

枝上鳥。間關兀訴誰。喜是三春花柳候。却教風
雨故相催。行人去不回。

又

梁上燕飛去又還來。倘憶主人情分否。好將兒女托高媒。丹心寸未灰。

又

枝上雪爲甚。破寒開。不愁春鬧多。蜂蝶賸與游。人必酒盃春風來不來。

轉應曲

旅愁

杜宇杜宇不似鶯歌燕語。離人夢掩舟中驚起。

遙看樹紅經樹紅樹淚濕家山何處

七夕

織女織女四字金風漸起河西遠悵牛郎天路
今當夜良良夜良夜秋淨明河如瀉

閨情

桃葉桃葉渡口雙雙繡屨霞明日暮平西幾陣
東風絮飛飛絮飛絮歸去獨眠情緒

又

啄木啄木暗把金錢自卜啼痕枕上蕭蕭靈鷲
能填斷橋橋斷橋斷露濕春冰又泮

如夢令

秋霽

簾上幾回疎雨淨把芭蕉重洗陣陣遠聞香營
啄小橙花底清霽清霽風定竹梢重起

閨怨

楊柳試風輕嬾不語櫻桃圓小一笑眼生波何

處罵人春。身休惱。休惱。豈。寇。花。開。還。早。

偶然作

人世有何長計。莫錯盃中滋味。一步九迴頭。多
被早行先去聽取。聽取。更盡曉鐘催曙。

閨情

賦得春入柳條將半

春入柳條將半。那許游絲牽絆。宿水看鶯。憑
你綠蘆風亂。堪美。堪美。雲裡一雙征雁。

又

春人柳條將半。梁上啁啾雙燕。穿過白梨花。曾
與一人同看。如線如線。空把淚珠偷嚥。

相見懽

久雨

珊珊畫雨如絲。葉先知。鎮日淋簷滴戶。久成癡。
晴和雨天公事。爲誰私。爭柰藍橋漲斷。夢來
遲。

風

多情有信春風到時同。每向花前。花後。捲成空。
郵亭路。陽臺畔。影無踪。吹送高樓玉笛。月明中。

長相思

甲申夏山居感舊

朝陰陰。暮陰陰。陰陰槐柳分烟。隨處青風光陰。又晴。
一朝人。兩朝人。人去歲嘗櫻憶故京城。春草木深。

乙酉金陵卽事

路迷迷草萋萋金粉都將蹂作泥。鷓鴣飛又飛。
事休提夢休期十丈金城誰作梯。瞻烏栖未
栖。

西湖

風滿湖月滿湖風到青蘋翻白波。小舸輕似瓠。
得高歌且高歌。日夜雙丸擲似梭。前人白又
蘇。

生查子

臘梅

瓊姿不務春。冰骨能辭冷。破曉散香寒。夢繞深
閨寢。風雪柰君何。喚却花魂醒。晨鳥啄殘葩。
早上紗窓影。

昭君怨

春雨

挾雨東風飛颺。新築小堤初漲。携杖過山谿。步

徐徐花事清明纔到雌蝶雄蜂都鬧昨夜五
更風一池紅

太平時

山游口占

新到春風吹畫巖舊時山南山北水雲邊幾
留連草青石紫水長碧頭要白綠蟻紅樓黑
也甜趕朱顏

浣谿紗

閨情

怯雨驚寒花自知無端侵入小眉兒起收殘瓣
下堦遲簾幙垂垂香似結一聲啼歎淚如絲
歸來重訴別離時

乙酉午日山中避兵作

戲鍊丹砂碎虺蛇竹陰蒲影日斜火榴比酒
略紅些繡縷漫懸兵氣盛早瓜難覓爲年賒
龍船却被戰船遮

咏藕

珠濺鮫人淚，欲霜玉鬢西。子臂生香欲分難斷，
繫絲長。漫憶猥紅多少，恨數聲歌闋，別蓮房。
風吹含怨滿池塘。

贈妓

杏子衫黃，竹葉裙桃，花襯臉、柳眉青。荷筒頻倒，
綠珠傾。豆蔻托胎春思軟，海棠無力晚風輕。
梨花深院掩朱門。